



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ruperti Abbatis Monasterii Tuitiensis, ordinis sancti  
Benedicti, Theologi antiqui ac plane clarissimi, in Cantica  
Canticorum de incarnatione Domini commentario[rum],  
libri VII**

**Rupertus <Tuitensis>**

**[Köln], 1527**

**VD16 B 3703**

Oculi eius, sicut columbæ super riuulos aquarum, quæ lacte lotæ sunt, &  
resident iuxta fluentia plenissima.

**urn:nbn:de:hbz:466:1-34445**

Psalm. 17

bi dictum est) tenebrosa aqua in nubibus aeris, id est, occulta scientia in prophetis atq; legalibus scripturis, ita ueraciter dicas, nigredo magna in comis capitis dilecti, ut sensus siue intellectus idem sit. Sed uide quid sequitur.

¶ Oculi eius, sicut columbæ super riuulos aquarum, quæ lacte lotæ sunt, & resident iuxta fluentia plenissima.

¶ Oculi eius septem sunt spiritus eius: Septem dona siue septem gratiæ sunt unius eiusdēq; spiritus eius. Confer opposita hæc: comæ eius nigra quasi coruus, & oculi eius sicut columbæ q̄ lacte sunt lotæ, & uide quid conficitur. Istud nimirum, quia scripturæ sanctæ, sunt quidem sancti & uiuificantem non habentibus Spiritum nigra quasi coruus, quia obscuræ eis & truces uidentur: sed habentibus gratiam spiritualem, quæ per oculos intelligitur, candida, imo & lucida sunt, sicut oculi columbæ mansuetæ colūbæ lacteæ.

Gene. 21  
Dente. 19.  
Osee. 1

Exempli gratia: Scriptum est, quoniam Abraham duos filios habuit unum de ancilla, & unū de libera. Et lex dicit: Animam pro anima, oculum pro oculo, dentem pro dente, &c. In prophetis autem, uade, inquit dñs, sume tibi uxore fornicationis & fac filios fornicationū, &c. In ijs namq; & cæteris huiusmodi, comæ iam dictæ nigrae sunt, non quomodocunq; sed sicut coruus. quia non solum obscura sunt hæc, uerum etiam nocua uidentur secundum literalem sensum.

¶ Adhibitis autē oculis iam dictis, oculis spūali- bus, apparent quia lucida sunt, colūmbina sunt, honesta & sancta sunt, uidelicet secundū sensum



mysticum, & quatum distat inter nigredinem cor-  
 uorum nitoremque columbarum lactearum, tamen, imo  
 & amplius, distat inter occidentem literam &  
 uiuificantem spiritum. Igitur oculi eius, id est,  
 gratia sancti spiritus in eo manentis sicut colu-  
 bae quae lacre sunt lotae: colubae ualde candidae, quae resi-  
 dent super riuulos aquarum & iuxta plenissima. i.  
 oino intendunt scripturis prophetarum, & oes in-  
 spiciunt scripturas sanctas, sacramentorum caelesti-  
 um plenissimas, iuxta illud Psalm. Sed in lege domini  
 uoluntas eius, & in lege eius meditabitur die ac  
 nocte. ¶ Quid enim fecit aut docuit absque auto-  
 ritate scripturarum? Primum ubi egressus est a de-  
 serto, post ieiunium atque tentationem, traditum sibi  
 libro Esaiiae prophetae reuoluens, & inueniens locum  
 ubi scriptum erat. Spiritus domini super me propter quod  
 unxit me. &c. Hodie, inquit, impleta est haec scri-  
 ptura in animabus uestris. Ita incipiens, cuncta  
 sine dubio cum autoritate scripturarum & dixit &  
 fecit, semper intendens scripturis. Et ut aliquid  
 pro exemplo dictum sit, nunquam in ipso initio suae  
 praedicationis siue inspectione scripturarum, abs-  
 que meditatione legis domini in montem ascendit,  
 sicut narrat euangelium, quia uidens turbas plu-  
 rimas ascendit in montem, & cum sedisset, ac-  
 cesserunt ad eum discipuli eius, & aperies os suum,  
 docebat eos, uidelicet hoc praecipue, quod non ue-  
 nisset legem soluere, sed adimplere. Non utique,  
 sed hoc inspiciebat, hoc meditabatur, unum &  
 alterum, uidelicet & quod olim fecerat, & quod  
 postmodum erat factururus: quia nimirum & olim  
 in monte legem dederat eadem, & postmodum  
 ascensus erat in montem, id est, in ipsam coe-

Psalm. 1

Lucam, 4.  
 Esaiam, 61

Matth. 6.

Exod. 20



Luc. 24.  
Ioan. 16.

**RVPERTI INCANT. CAN. CA. V**  
li altitudinem, & aperto ore suo, aperto nihilominus sensu discipulorum suorum, ut intelligerent scripturas, docere habebat eos omnem ueritatem. Recte igitur sicut columbæ, non qualiscunq; sed colubæ residentes super riuulos aquarum, & iuxta fluentia plenissima, ita oculi eius, uidelicet dilecti sunt: quia sensus siue cogitationes eius nusquam a sanctarum inspectione scripturarum sese aliquando auerterunt.

¶ Genæ illius sicut areolæ aromatum, consistit a pigmentarijs.

¶ Genæ sunt inferiores oculorum partes, unde barbæ inchoant. Nā barba græce dicitur γέβρο. Quid ergo p genas dilecti, nisi exterior eius habitus intelligitur? Genæ nanq; hominis enunciant de illo, unde & dicitur uultus idem locus, eo q; per eum animi uoluntas ostenditur. Ergo genæ eius (inquit) sicut areolæ aromatum: quia nimirum latentium in eo indices sunt gratiarū uirtutumq; omnium, quæ ita intuentibus gratæ sunt habentibus duntaxat simplicem oculum atque beniuolum, sicut areolæ aromatum, consistit a pigmentarijs, id est, non casu complantata, sed bene dispositæ cura diligenti delectabiles sunt, & aspicientium lætificant uisum pariter & olfactum.

¶ Labia eius lilia distillatia myrrhā primā  
¶ Euangelij prædicatio munda est, & omnis doctrina dilecti sancta & uera est, quod ipsi aduersarij confessi sunt, quamuis non simpliciter dicentes: Magister scimus quia uerax es, & uiam dei in ueritate doces.

Mar. 22